



Pranuar / Dërguar Përmblenë/Prodoto Received/Delivered	27-09-2023	3	viti год year
Organ /Njësia Organ /Jedinica Org /Unit	Ir Prot Br Prot Prot No	Shtojca Prilog Appendix	Sasia Kolicina Quantity
SKOPSHEK	6279/2023		1/8



Republika e Kosovës
Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.1040/2023

Këshilli i Pavarur Mbikëqyrës për Shërbimin Civil të Kosovës- Kolegji për Shqyrtimin dhe Vendosjen e Ankesave i përbërë nga: Eshref Shabani-Kryetar, Jeton Koca dhe Ardita Haxhnikaj-Demi-anëtarë, me Çlirim Zeka-Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën me numër A.nr.1040/2023 të datës 31.07.2023 të parashtruar nga ankuesi [redacted] me adresë [redacted] në çështjen juridike "Kontestim Konkursi", kundër Vendimit KA.nr.26/2023 të datës 06.07.2023 të Komisionit për Zgjidhjen e Kontesteve dhe Ankesave të Sekretariatit të Këshillit Gjyqësor të Kosovës, në çështjen juridike "Kontestim Konkursi" duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin dhe 1.2 dhe 1.6 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 27.09.2023, mori:

V E N D I M

- I. Shfuqizohet Vendimi KA.nr.26/2023 i datës 06.07.2023 i Komisionit për Zgjidhjen e Kontesteve dhe Ankesave të Sekretariatit të Këshillit Gjyqësor të Kosovës.
- II. Anullohet Njoftimi për përzgjedhjen përfundimtare të datës 01.06.2023, Lista e ngushtë e kandidatëve duke përfshirë rezultatet e testit me shkrim dhe intervistës me gojë si dhe Raporti Final i Rekomandimit nga Komisioni i Pranimit i datës 01.06.2023, ndërsa lënda kthehet në ri-shqyrtim dhe ri-vendosje.
- III. Obligohet Komisioni Përzgjedhës në Sekretariatit të Këshillit Gjyqësor të Kosovës, të ndërmarr veprimet e nevojshme në afatin prej pesëmbëdhjetë (15) ditësh, nga dita e pranimit të këtij vendimi, që të ri-zhvilloj procedurën e rekrutimit për pozitën "Referent" në Gjykatën Themelore në Gjakovë-dega Malishevë, nga faza e përgatitjes së listës së ngushtë.
- IV. Obligohet Drejtori i Përgjithshëm i Sekretariatit të Këshillit Gjyqësor të Kosovës, që të kujdeset për zbatimin e këtij vendimi si në pikën III të dispozitivit.

V. Këshilli i Pavarur Mbikëqyrës për Shërbimin Civil të Kosovës, duhet të njoftohet me shkrim pas ndërmarrjes së veprimeve në pajtim me këtë vendimi.

A r s y e t i m

Sekretariati i Këshillit Gjyqësor të Kosovës, me datë 15.02.2023 ka shpallur konkursin e jashtëm me Nr. 01/2023 për katër dhjetë e një pozita (41), ndërsa në Gjykatën Themelore në Gjakovë-dega Malishevë dy pozita (2) me titull pozitën e punës "Referent", në të cilin konkurs ka aplikuar edhe ankuesi [REDACTED] i cili është ftuar të marrë pjesë në testin me shkrim dhe intervistën me gojë mirëpo nuk është përzgjedhur si kandidatë i suksesshëm për asnjërën pozitë.

Më datën 01.06.2023 Sekretariati i Këshillit Gjyqësor të Kosovës ka publikuar njoftimin për kandidatët e suksesshëm me numër protokoll 03/819 për pozitën "Referent" dy (2) pozita në Gjykatën Themelore në Gjakovë-dega Malishevë.

I pakënaqur me njoftimin e datës 01.06.2023, ankuesi më datë 27.06.2023 ka parashtruar ankesë me numër protokoll Nr.01/959 në Komisionin për Zgjidhjen e Kontesteve dhe Ankesave tek Sekretariati i Këshillit Gjyqësor të Kosovës. Komisioni për Zgjidhjen e Kontesteve dhe Ankesave i Sekretariatit të Këshillit Gjyqësor të Kosovës më datë 06.07.2023 ka nxjerr Vendimin me numër KA.nr.26/2023 me të cilin ka refuzuar si të pabazuar ankesën e ankuesit, me arsyetimin se përzgjedhja e kandidatëve për pozitën "Referent" në Gjykatën Themelore në Gjakovë-dega Malishevë është bërë konform nenit 40.1 të Rregullores 02/2010 për Procedurat e Rekrutimit në Shërbimin Civil i cili parasheh: *Në Shërbimin civil emërohen kandidatët të cilët kanë arritur numrin më të madh total të pikëve në testimin me shkrim dhe me gojë*, ku nga shkresat e lëndës del se dy (2) kandidatët e përzgjedhur kanë pasur më tepër pikë se ankuesi në testin me shkrim, dhe atë kandidatja e parë e përzgjedhur ka pasur 80.5 pikë, ndërsa kandidatja e dytë e përzgjedhur i ka pasur 79 pikë, për dallim nga ankuesi i cili ka pasur 72.5 pikë, ndërsa në listën përfundimtare pas intervistës me gojë, kandidatja fituese i ka pasur 375.75 pikë, ndërsa kandidatja e dytë fituese i ka pasur 355.50 pikë, për dallim nga ankuesi i cili i ka pasur 352.75 pikë, andaj nuk ka arritur që të jetë njëri nga kandidatët fitues/i i përzgjedhur në këtë pozitë, pasi që pikët e kërkuara për emërim në shërbimin civil janë pikët të cilat arrihen pas mbledhjes së numrit total të pikëve nga testimi me shkrim dhe me gojë.

Në këtë mënyrë Udhëheqësi i Burimeve Njerëzore ka nxjerr Njoftimin për përzgjedhjen përfundimtare me numër protokoll 03/819 të datës 01.06.2023 lidhur me kandidatët e suksesshëm për pozitën e shpallur të konkursit nga ku rezulton se ankuesi nuk ishte kandidat i përzgjedhur.

Ankuesi kundër Vendimit me numër KA.nr.26/2023 të datës 06.07.2023 të Komisionit për Zgjidhjen e Kontesteve dhe Ankesave të Sekretariati i Këshillit Gjyqësor të Kosovës, më datë 31.07.2023 me numër protokoll 5445/2023 ka parashtruar ankesë në Këshillin e Pavarur Mbikëqyrës për Shërbimin Civil të Kosovës me pretendimet ankimore për shkak të shkeljes së Ligjit për Shërbimin Civil si dhe Rregullores për Procedurat e Rekrutimit në Shërbim Civil 02/2010, vlerësim jo objektiv dhe të padrejtë të testit me shkrim, vlerësim jo objektiv të intervistimit me gojë i cili rezulton me nxjerrje të vendimit përfundimtar jo të drejtë.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregullores Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 16.08.2023 ka dërguar kërkesën për përgjigje në ankesë tek Sekretariati i Këshillit Gjyqësor të Kosovës, ndërsa Këshilli më datë 30.08.2023, ka pranuar përgjigje në ankesë nga Sekretariati i Këshillit Gjyqësor të Kosovës, me shkresat e bashkangjitura.

Kryetari i Këshillit të Pavarur Mbikëqyrës për Shërbimin Civil të Kosovës më datë 08.09.2023 ka nxjerr Vendim VK/2023 me të cilin ka bërë zgjatjen e afatit për vendosjen e ankesës A.nr.1040/2023 edhe për dhjetë (10) ditë pune.

Kolegji për shqyrtimin dhe vendosjen e ankesave ka administruar këto prova: Ankesën me nr.protokolli 5445/2023 të datës 31.07.2023 e parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Vendimin me numër KA.nr.26/2023 të protokolluar me numër 01/984 të datës 06.07.2023 të Komisionit për Zgjidhjen e Kontesteve dhe Ankesave të Sekretariatit të Këshillit Gjyqësor të Kosovës; Njoftimin për përzgjedhjen përfundimtare me numër protokoll 03/819 të datës 01.06.2023 të Sekretariatit të Këshillit Gjyqësor të Kosovës; Renditja përfundimtare të kandidatëve e datës 01.06.2023; Pesë (5) Formularët e vlerësimeve të testimit me shkrim të datës 29.04.2023 dhe testimit me gojë të datës 18.05.2023 të kandidatit [redacted] nga të gjithë anëtarët e Komisionit; Testi me shkrim për pozitën referent; Kërkesë për përgjigje në ankesë e datës 16.08.2023; Përgjigje në ankesë e datës 30.08.2023; Propozimin për emërimin e kandidatit të rekomanduar të datës 01.06.2023 nga SKGJK; Përmbledhja e vlerësimeve individuale të datës 01.06.2023 të SKGJK; Renditja përfundimtare e kandidatëve e datës 01.06.2023 e SKGJK; Raporti final i rekomandimit nga komisioni rekrutues i datës 01.06.2023 i SKGJK; Udhëzues për testin me shkrim i datës 29.04.2023 i kandidatit [redacted] Kërkesën për punësim të datës 28.02.2023 të kandidatit [redacted] për pozitën Referent; Diplomën me numër 2712 të datës 15.07.2014 të Univeritetit të Prishtinës "Hasan Prishtina"- Fakulteti Juridik për [redacted]; Marrëveshjen për shërbime të veçanta me numër protokoll 03/198 të datës 06.02.2023 nga SKGJK për [redacted]; Certifikatë me numër 03/1722 e datës 04.12.2015 të SKGJK-së për [redacted]; Vërtetimin e datës 13.02.2023 të "Kosovo Legal Services Company" për [redacted]; Certifikatë me numër 04 të datës 14.01.2014 të Zyres së Kryeprokurorit të Shtetit për [redacted]; Rekomandimi nga Gjyqtari [redacted] për [redacted]; Certifikatë e datës 19.09.2013 të "United States Department of Justice" për [redacted]; Certifikatë e datës 12.12.2013 të "United States Department of Justice" për [redacted]; Certifikatë e datës 24.02.2015 të "EULEX" për [redacted]; Certifikatë e datës 20.11.2016 të Kryqit të Kuq të Kosovës për [redacted]; Certifikatë e muajit prill-maj 2014 të "Eu-Kosvet VI" për [redacted]; Certifikatë e muajit shkurt 2016 të Kuvendit të Rinjëve të Malishevës për [redacted]; Certifikatë e muajit tetor nëntor 2012 të "BSC Kosovo" për [redacted]; Certifikatë nga "BSC Kosovo" për [redacted] e datës 12.06.2012; Certifikatë e datës 26.11.2011 të "LRN" për [redacted]; Certifikatë nga "BSC Kosovo" për [redacted] e datës 21.09.2012; Certifikatë me numër 6498/11 të muajit Shkurt 2011 të "The Cambridge School" për [redacted], Certifikatë e datës 30.12.2015 të "VBF" për [redacted]; Certifikatë e muajit nëntor 2015 të "VBF" për [redacted], Certifikatë e datës 30.03.2016 të "VBF" për [redacted]; Kopjen e letërnjoftimit të [redacted] Certifikatë mbi dënimet penale të datës 28.02.2023 të [redacted]; Udhëzues për testin me shkrim të datës 29.04.2023 të kandidatës SH.H.R.; Pesë (5) Formularët e vlerësimeve të testimit me shkrim të datës 29.04.2023 dhe testimit me gojë të datës 17.05.2023 të kandidatës SH.H.R. nga të gjithë anëtarët e Komisionit; Testi me shkrim për pozitën referent i SH.H.R.; Kërkesën për punësim

të datës 28.02.2023 të kandidatës SH.H.R. për pozitën Referent; Kopjen e letërnjoftimit të SH.H.R.; Certifikatë me numër A.GJ.I.nr.78/19 të datës 29.01.2019 të Gjykatës Themelore në Gjakovë për SH.H.R.; Certifikatë e datës 23.12.2019 të Ministrisë së Drejtësisë për SH.H.R.; Diplomë me numër 2654 të datës 11.07.2014 të Universitetit të Prishtinës "Hasan Prishtina"-Fakulteti Juridik për [redacted]; Diplomë me numër 1506 të datës 21.09.2017 të Universitetit të Prishtinës "Hasan Prishtina"-Fakulteti Juridik me titull Master në të drejtën financiare për [redacted]; Marrëveshje për realizimin e masës aktive të tregut të punës me numër protokollit 1/146 të datës 04.03.2019 të MPMS/APRK për [redacted]; Kontratë mbi punën e datës 04.03.2019 nga SH.P.K "RAMA" për [redacted]; Referencë nga Gjyqtari [redacted] për [redacted] i datës 28.01.2019; Rekomandim nga SH.P.K "RAMA" për [redacted] i datës 03.05.2021; Forma e vlerësimit të performancës të SH.P.K "RAMA" për [redacted]; Referencë me numër protokollit 203/17 të datës 26.04.2017 të Shkollës së Mesme të Lartë Profesionale "Selajdin Mullaabazi-Mici" për [redacted]; Certifikatë mbi dënimet penale të datës 20.02.2023 për [redacted]; Udhëzues për testin me shkrim të datës 29.04.2023 të kandidatës [redacted]; Pesë (5) Formularët e vlerësimeve të testimit me shkrim të datës 29.04.2023 dhe testimit me gojë të datës 18.05.2023 të kandidatës [redacted] nga të gjithë anëtarët e Komisionit; Testi me shkrim për pozitën referent i [redacted]; Kërkesën për punësim të datës 28.02.2023 të kandidatës [redacted] për pozitën Referent; Diplomë me numër 638 të datës 08.10.2019 të Universitetit të Prizrenit "Ukshin Hoti"- Fakulteti Juridik për [redacted]; Kopjen e letërnjoftimit të [redacted], Certifikatë mbi dënimet penale të datës 21.02.2023 për [redacted]; Kontratën e punës të datës 20.09.2022 të lidhur mes "Legal -A" dhe [redacted] Kontratën e punës të datës 20.06.2022 të lidhur mes "Legal-A" dhe [redacted] Certifikatën e datës 15.06.2022 të Ministrisë së Drejtësisë për [redacted]; Vërtetimin nga Agjencia për Ndihmë Juridike Falas me numër protokollit 113/03/1 të datës 14.05.2021 për [redacted]; Certifikatën nga "Usaidi" për [redacted] i datës 10.11.2020; Kontratën për shërbime nga "YIHR" për [redacted] Certifikatën e datës 31.12.2018 të Universitetit "Ukshin Hoti" Prizren për [redacted]; Referencën me numër 34/2022 të datës 15.06.2022 të Shërbimit Sprovues të Kosovës për [redacted]; Referencën e datës 11.05.2021 të Agjencisë për Ndihmë Juridike Falas për [redacted]; Letër reference me numër protokollit 308 /03-53 të datës 04.03.2019 të Universitetit "Ukshin Hoti" për [redacted]; Certifikatën e datës 29.02.2020 nga "Oxford Studio" për [redacted]; Certifikatën me numër reference 06/17 të datës 26.05.2017 për [redacted]; Certifikatën nga "Oda e Avokatëve të Kosovës" për [redacted]; Certifikatën e muajit qershor 2018 nga "Kërko Drejtësi" për [redacted]; Certifikatën e datës 15.05.2018 nga "KDI" për [redacted]; Certifikatën nga "YIHR" për [redacted] i datës 28.08.2019; Përcaktimi i kriterëve për testim me shkrim dhe me gojë për vendin e punës për të cilin nuk kërkohet njohja e ndonjë gjuhe të huaj i datës 13.04.2023; Lista e kandidatëve të cilët nuk e kalojnë testin me shkrim; Njoftimin për rezultatet e testimit me shkrim për pozitën Referent me numër protokollit 03/694 të datës 11.05.2023; Njoftimin për testim me shkrim për pozitën referent me numër protokollit 03/588 të datës 26.04.2023; Lista e kandidatëve për testimin me shkrim me datën 29.04.2023; Raportin mbi përgaditjen e listës së ngushtë të SKGJK-së; Përcaktimi i kriterëve për përfshirjen në listën e ngushtë të datës 25.04.2023 të SKGJK-së; Regjistri i aplikacioneve të pranuar; Pesë (5) Deklaratat për mos ekzistimin e konfliktit të interesave të datës 28.04.2023 të anëtarëve të komisionit pranues; Propozimin për emërimin e KPSHC-së të datës 23.03.2023 të SKGJK-së; Vendimin me numër protokollit 03/448 të datës 24.03.2023 të SKGJK-së; Publikimi i Konkursit të jashtëm me numër 01/2023 për pozitën referent me numër protokollit 03/249 të datës 15.02.2023; Vendim me numër protokollit 01/135 të datës 09.02.2023 të SKGJK-së; Vendim i KPSHC me numër protokollit 6022/2023 i datës 08.09.2023; E-mail nga [redacted] për [redacted] i datës 25.09.2023; Ankesë e [redacted] drejtuar Komisionit për Zgjidhjen e Kontesteve dhe Ankesave e datës 26.06.2023;

Kolegji për Shqyrtimin dhe Vendosjen e Ankesave, pasi ka shqyrtuar të gjitha shkresat e bashkangjitura të lëndës të dërguara nga palët në procedurë, ka konstatuar se ankesa e ankuesit [redacted] duhet të kthehet në *ri-shqyrtim* dhe *rivendosje* tek organi i njëjtë, *sepse*:

Kolegji për shqyrtimin dhe vendosjen e ankesave, gjatë shqyrtimit dhe analizimit të provave të ofruara nga palët në procedurë, ka konstatuar se Sekretariati i Këshillit Gjyqësor të Kosovës, me datë 15.02.2023 me numër protokolli 03-249 ka shpallur konkursin me Nr: 01/2023 për katër dhjetë e një pozita (41), ndërsa në Gjykatën Themelore në Gjakovë-dega Malishevë dy pozita (2) me titull pozitën e punës "Referent" me koeficient shtatë (7), në të cilin konkurs ka aplikuar edhe ankuesi [redacted], ku kanë qenë gjithsejtë dyqind e njëzet e tetë (228) kandidatë ndërsa testimi me shkrim ju kanë nënshtruar njëqind e shtatëdhjetë e tetë kandidat (178), ku ankuesi është ftuar të marrë pjesë në testin me shkrim dhe intervistën me gojë mirëpo nuk është përzgjedhur si kandidatë i suksesshëm për asnjërën pozitë.

Ndërsa si kritere të kualifikimeve arsimore, profesionale dhe përvoja e punës (kualifikimet dhe përvoja e punës që kërkohen për këtë vend pune) është kërkuar: *Diplomë universitare të vlefshme në Kosovë: Fakulteti Juridik e nevojshme. Së paku dy (2) vite përvojë pune e nevojshme.*

Me qëllim të shqyrtimit të ligjshmërisë së pretendimeve ankimore të ankuesit lidhur me pretendimet ankimore për shkak të shkeljes së Ligjit për Shërbimin Civil si dhe Rregullores për Procedurat e Rekrutimit në Shërbim Civil 02/2010, vlerësimi jo objektiv dhe të padrejtë të testit me shkrim, vlerësim jo objektiv të intervistimit me gojë i cili rezulton me nxjerrje të vendimit përfundimtar jo të drejtë.

Kolegji për shqyrtimin dhe vendosjen e ankesave ka konstatuar se disa nga kandidatët e përzgjedhur nuk i kanë përmbushur kriterin e konkursit lidhur me përvojën e punës, rrjedhimisht Komisioni për Zgjedhjen e Kontesteve dhe të Ankesave me rastin e refuzimit të ankesës së ankuesit përmes Vendimit numër KA.nr.26/2023 të datës 06.07.2023 nuk ka arritur të arsyetojë mjaftueshëm aktin e nxjerrë nëse kandidatët e përzgjedhur kanë përmbushur kriterin e konkursit lidhur me përvojën e punës sipas konkursit të datës 15.02.2023, ndërsa theksojmë faktin se duke u mbështetur në dispozitat e Ligjit Nr.05/L-031 për Procedurën e Përgjithshme Administrative arsyetimi i vendimit është detyrim ligjor, respektivisht arsyetimi jo i plotë apo i mangët është i barabartë me mungesën e tij, gjegjësisht kjo çështje rregullohet me nenin 48 paragrafi 1 dhe 2 ndërlidhur me nenin 47 paragrafi 1 nën paragrafi 1.3 të njëjtit ligj.

Po ashtu, Kolegji i Këshillit gjatë shqyrtimit të provave të lëndës, konstaton faktin se kandidatja e përzgjedhur [redacted] përveç praktikes një vjeçare në Gjykatën Themelore në Gjakovë-dega në Rahovec përvojën e punës së fituar në institucione private nuk e ka dëshmuar me dokumentacionin e nevojshëm, respektivisht në kërkesën për punësim të datës 28.02.2023 nuk ka bashkangjitur ndonjë dokument përcjellës nga Trusti i Kursimeve Pensionale apo nga Administrata Tatimore Kosovës, sepse përvoja e punës në sektorin privat e provuar vetëm përmes shkresave të lëshuar nga punëdhënësi nuk është dëshmi e mjaftueshme dhe e vlefshme nëse të njëjtat nuk janë të shoqëruara edhe me vërtetim nga organet përgjegjëse, po ashtu kandidatja e përzgjedhur [redacted] përveç Certifikatës nga Shërbimi Sprovues i Kosovës, Ministria e Drejtësisë për përfundimin

e praktikës në SHSK i datës 15.06.2022 dhe Vërtetimit nga Agjencia për Ndihmë Juridike Falas i datës 14.05.2021 si Praktikante Vullnetare në zyrën rajonale për ndihmë juridike falas në Prizren përvojën e punës së fituar në institucione private nuk e ka dëshmuar me dokumentacionin e nevojshëm, respektivisht në kërkesën për punësim të datës 28.02.2023 nuk ka bashkangjitur ndonjë dokument përcjellës nga Trusti i Kursimeve Pensionale apo nga Administrata Tatimore e Kosovës, sepse përvoja e punës në sektorin privat e provuar vetëm përmes shkresave të lëshuar nga punëdhënësi nuk është dëshmi e mjaftueshme dhe e vlefshme nëse të njëjtat nuk janë të shoqëruara edhe me vërtetim nga organet përgjegjëse kështu që lidhur me këtë Kolegji i Këshillit, ju ka referuar Aktvendimit me numër AA.nr.614/2022 të datës 27.09.2022 të Gjykatës së Apelit e Kosovës, e cila ka theksuar se dëshmitë e përvojës së punës duhet të dëshmojnë me kontratë pune dhe me vërtetim nga Administrata Tatimore e Kosovës apo dëshmi të lëshuar nga Trusti Pensional i Kosovës, detyrim ky ligjor i përcaktuar edhe me nenin 9 paragrafi 1 dhe 3 të Ligjit Nr. 05/L-028 për Tatimin në të Ardhurat Personale. Nga shkresat e lëndës, Kolegji i Këshillit ka gjetur se as ankuesi në kërkesën për punësim të datës 28.02.2023 nuk ka bashkangjitur ndonjë dokument përcjellës nga Trusti i Kursimeve Pensionale apo nga Administrata Tatimore Kosovës, përveç praktikës një vjeçare në Gjykatën Themelore në Gjakovë-dega Malishevë, si dhe nga shkresat e lëshuara nga organi punëdhënës nuk është dëshmi e mjaftueshme dhe e vlefshme nëse të njëjtat nuk janë të shoqëruara edhe me vërtetim nga organet përgjegjëse të lartcekura.

Nga sa u tha si më lartë, Kolegji i Këshillit konstaton se Komisioni Përzgjedhës në kuadër të Sekretariatit të Këshillit Gjyqësor të Kosovës, me rastin e përgatitjes së listës së shkurtër përmes të cilës kandidatët e përzgjedhur dhe ankuesi është përfshirë në listën e ngushtë, nuk ka arritur të dëshmojë apo arsyetojë në mënyrë plotë dhe të drejtë nëse të gjithë kandidatët në procedurë të plotësojë kushtet e konkursit gjegjësisht kualifikimin profesional atë të përvojës së punës, ashtu që i njëjti komision ka vepruar në kundërshtim me 28 paragrafin 1 nën paragrafin 1.1 dhe 1.2 të Rregullores Nr.02/2010 për Procedurat e Rekrutimit në Shërbimin Civil, i cili përcakton se: *"1. Anëtarët e KPSHC-së vlerësojnë aplikacionet në bazë të kriterëve në vijmë: 1.1 Arsimimi dhe kualifikimi profesional; si dhe 1.2. përvoja e punës"*, prandaj secili veprim i ndërmarë procedural pas kësaj faze nga Komisioni Përzgjedhës duke përfshirë përpilimin e listës së ngushtë, rezultatet e testit me shkrim dhe intervistës me gojë e deri te rekomandimi i Komisionit të Pranimit për kandidatët e suksesshëm janë të pavlefshme juridikisht dhe nuk mund të prodhojnë efekte juridike pasi që deri te ky rezultat ka ardhur si pasojë e një procedurë të përcjellë me shkelje të dispozitave të ligjit material dhe LPPA-së.

Prandaj, nga sa u tha si më lartë, pas shqyrtimit të shkresave të lëndës, analizimit të pretendimeve ankimore të ankuesit për shkelje të parimeve të Ligjit Nr. 03/L-149 për Shërbimin Civil të Republikës së Kosovës, vërtetim të gabuar dhe jo të plotë të gjendjes faktike si dhe duke marrë parasysh dispozitat të aplikuara ligjore në fuqi duke përfshirë konstatimet e shkeljeve të paraqitura si në arsyetimin e këtij vendimi, Kolegji i Këshillit konstatoi se procedura e rekrutimit sipas konkursit me 01/2023 për pozitën "Referent" në Gjykatën Themelore të Gjakovës-dega Malishevë të shpallur nga Sekretariati i Këshillit Gjyqësor të Kosovës, nga faza e përgatitjes së listës së ngushtë deri në fazën e përfundimit për arsyet e dhëna si më lartë është zhvilluar në kundërshtim me dispozitat e Ligjit Nr.03/L-149 për Shërbimin Civil të Republikës së Kosovës dhe të Rregullores Nr.02/2010 për Procedurat e Rekrutimit në Shërbimin Civil.

Po ashtu, Kolegji për Shqyrtimin dhe Vendosjen e Ankesave, nisur nga konstatimet e dhëna si më lartë ka konstatuar që Komisioni për Zgjidhjen e Kontesteve dhe Ankesave i Sekretariatit të Këshillit Gjyqësor të Kosovës me rastin e nxjerrjes së Vendimit KA.nr.26/2023 i datës 06.07.2023, ka vepruar në kundërshtim me dispozitat e Ligjit Nr.03/L-149 për Shërbimin Civil të Republikës së Kosovës, Ligjit Nr.05/L-031 për Procedurën e Përgjithshme Administrative dhe Rregullores Nr.5/2011 për Procedurat e Zgjidhjes së Kontesteve dhe Ankesave, sepse nuk ka vërtetuar drejtë gjendjen faktike dhe bazën juridike, respektivisht sikurse përcaktohet në dispozitat e nenit 52 paragrafi 1 nën paragrafi 1.1 dhe 1.4 të Ligjit Nr.05/L-031 për Procedurën e Përgjithshme Administrative ku përcaktohet se: "Një akt administrativ është i paligjshëm nëse: 11.4. është nxjerre në kundërshtim me dispozitat që rregullojnë formën apo elementet e detyrueshme të aktit administrativ; 1.5. është në kundërshtim me ligjin material" i njëjtë është vendim i paligjshëm, prandaj është shfuqizuar sikurse në dispozitiv të këtij vendimi.

Kolegji i Këshillit, thekson faktin se për shkak të shkeljeve procedurale dhe materiale të cekura si më lartë në këtë procedurë dhe me qëllim të eliminimit të tyre ka vendosur që të lëndën ta kthej në rishqyrtim, ndërsa Komisioni Përzgjedhës në Sekretariatit e Këshillit Gjyqësor të Kosovës obligohet të ndërmarr veprimet e nevojshme në afatin prej pesëmbëdhjetë (15) ditësh, nga dita e pranimit të këtij vendimi, që të ri-zhvilloj procedurën e rekrutimit për pozitën "Referent", në Gjykatën Themelore të Gjakovës-dega Malishevë, nga faza e përgatitjes së listës së ngushtë dhe të bëjë rivlerësimin e të gjitha aplikacioneve të kandidatëve në këtë procedurë të rekrutimit, duke u bazuar në konstatimet dhe pikëpamjet e dhëna juridike si më lartë në arsyetimin e këtij vendimi, gjithëherë në respektim të normave të përcaktuara me dispozitat e Rregullores Nr.02/2010 për Procedurat e Rekrutimit në Shërbimin Civil, Ligjit Nr. 03/L-149 për Shërbimin Civil të Republikës së Kosovës dhe Ligjit Nr.05/L-031 për Procedurën e Përgjithshme Administrative.

Andaj, pas analizimit dhe vlerësimit të gjitha shkresave të lëndës si dhe duke u bazuar nënin 6 paragrafi 1, nën paragrafi 1.1 si dhe nënin 18 paragrafi 1 nën paragrafi 1.2 dhe 1.6 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Kolegji i Këshillit vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.1040/2023

Çlirim Zeka

Procesmbajtës


Eshref SHABANI
Kryetar i Kolegjit

Vendimi i dërgohet:

- Ankuesit [REDACTED]
- Drejtorit të Përgjithshëm të Sekretariatit të Këshillit Gjyqësor të Kosovës;
- Udhëheqësit të Burimeve Njerëzore në Sekretariatit të Këshillit Gjyqësor të Kosovës, dhe
- Arkivit të KPMSHCK-së.